



Ilis uffants da la scolina da las quatter vischnancas han gi' l'onur da retschaiver sco emprims il cudesch «La staila da Nadal».

FOTO G. N. STGIER

Anc adina populara tar ils uffants

L'Uniun Rumantsch grischun ha preschentà il nov cudesch
«La staila da Nadal»

■ (anr/gns) Gronda festa per ils 12 uffants da la scolina da Lantsch, Casti, Alvaschagn e Brinzauls. En in rom tut spezial ha l'Uniun Rumantsch Grischun preschentà il tschintgavel cudesch suenter che l'uniun è vegnida reactivada.

Rino Darms, il parsura da

l'uniun cun 100 commembers, è losch che la pli nova ediziun «La staila da Nadal» è sin maisa. Suenter avair regalà a mintga uffant in exemplar dal cudesch ha el prelegì il raquint. Ilis uffants han tadlà cun gronda tensiun, gizzà lur ureglias e mussà che l'istorgia da Nadal è anc adina populara. Las

illustraziuns ed il text dal cudesch derivan da *Marcus Pfister*. Translatà en rumantsch grischun il cudesch da 32 paginas ha *Annalisa Schaniel*. Il cudesch po vegnir retratg per 19.90 francs tar la Lia Rumantscha e tar tut las librerias che vendan cudeschs rumantschs.